



ᠮᠣᠩᠭᠣᠯ ᠤᠯᠤᠰ
ᠭᠣᠪᠢ-ᠠᠯᠲᠠᠢ ᠠᠶᠢᠮᠦᠭᠢᠨ
ᠵᠠᠰᠠᠭ ᠳᠠᠷᠭᠢᠨ
ᠵᠠᠬᠢᠷᠠᠮᠵᠢ

**МОНГОЛ УЛС
ГОВЬ-АЛТАЙ АЙМГИЙН
ЗАСАГ ДАРГЫН
ЗАХИРАМЖ**

2021 оны 08 сарын 18 өдөр

Дугаар А/376

Алтай хот

Урьдчилан сэргийлэх арга хэмжээ
авах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.2 дахь хэсэг, Гамшгаас хамгаалах тухай хуулийн 32 дугаар зүйлийн 32.1.1, 32.1.3 дахь заалт, аймгийн Онцгой комиссын 2021 оны 41 дүгээр хурлын шийдвэрийг тус тус үндэслэн ЗАХИРАМЖЛАХ нь:

1.Коронавирусын шинэ төрөл "Дельта" вирус Ховд, Баян-Өлгий, Завхан аймгуудад тархсантай холбогдуулан урьдчилан сэргийлэх арга хэмжээг зохион байгуулах, Шарга сумын "Ээв"-ийн гүүр, Дэлгэр сумын "Үнээн ус"-т үйл ажиллагаа эрхэлж буй хүнсний дэлгүүр, цайны газрын үйл ажиллагааг 2021 оны 08 дугаар сарын 27-ны өдрийг дуустал хугацаагаар хааж, хяналт тавьж ажиллахыг Цагдаагийн газар (хурандаа Н.Эрдэнэ-Очир), Мэргэжлийн хяналтын газар (Н.Сумъяабазар)-т тус тус даалгасугай.

2."Дельта" вирусын тархалтаас урьдчилан сэргийлж Шарга сумын "Ээв"-ийн гүүр, Дэлгэр сумын "Үнээн ус", Есөнбулаг сумын гарах, орох цэгт тухайн сумаас хяналтын цэг байгуулж, удирдлага зохион байгуулалтаар хангаж ажиллахыг Онцгой байдлын газар (хурандаа З.Баттулга), орох, гарах хөдөлгөөнд хяналт тавьж ажиллахыг Цагдаагийн газар (хурандаа Н.Эрдэнэ-Очир), Мэргэжлийн хяналтын газар (Н.Сумъяабазар), сумдын Засаг дарга нарт тус тус үүрэг болгосугай.

3.Элсэлтийн ерөнхий шалгалтад хамрагдаад сум руугаа буцаж байгаа багш, сурагч, жолооч нарт аюулгүй ажиллагааны зааварчилгааг өгч баталгаат зам, даваагаар зорчих, үер усны эрсдэлээс урьдчилан сэргийлэх зөвлөмжөөр хангаж ажиллахыг Боловсрол, соёл, урлагийн газар (Т.Эрхэмбаяр)-т үүрэг болгосугай.

4."Анагаахын шинжлэх ухааны үндэсний их сургууль"-ийн үйл ажиллагаа 2021 оны 09 дүгээр сард эхэлж байгаа тул Ховд, Баян-Өлгий, Завхан аймгуудын оюутан, суралцагсдыг аймагт нэвтрүүлэх эсэх асуудлыг судлан шийдвэрлэх, дээрх аймгуудад элсэлтийн ерөнхий шалгалтаар ажилласан багш ажилчид, улсын чанартай авто зам дагуух хүнсний дэлгүүр, цайны газрын үйл ажиллагаа эрхэлдэг иргэдийг тандалтын шинжилгээнд хамруулж ажиллахыг Эрүүл мэндийн газар (Г.Лхагважаргал), Боловсрол, соёл, урлагийн газар (Т.Эрхэмбаяр)-т даалгасугай.

ЗАСАГ ДАРГА



О.АМГАЛАНБААТАР